

南靖縣志

第六卷

南靖縣志目錄

卷首

序文

凡例

姓氏

圖畫

目錄

卷一

星野

沿革

疆域

形勝附

城池

街巷附

公署

舖廛附

學校

壇廟

卷二

山川

水利附

津梁

坊里

風土

卷三

賦役

卷四

官制

職官

兵制

武職

卷五

選舉

何孟陽

卷六

寺廟

人物

儒林 循良 孝義
武功 隱逸 流寓

恩榮 耆德 剛

仙釋

列女

卷七

物產

宅墓

寺觀

古蹟

卷八

祥異

雜記

卷九

藝文上

奏疏

書

序

記

傳

雜著

卷十

藝文下

賦詩

南靖縣志卷之六

邑令浮梁姚循義斐園氏編輯

名宦

史家循吏酷吏並傳而志專紀名宦史顯行
其權志隱行其意者也其實至者其名歸實
之弗存名將焉附故志其名而不名者可知
後之君子尚其利賴永久毋徒依草附木爭
榮一時已也志名宦

元知縣

扈海衛輝人至正年間任興學校均徭役撫字勤
勞政清訟簡時畚寇作亂海不爲動賊夜入海
罵曰尹承王命父母汝也敢殺父母耶賊駭散
韓景晦至正年間任初至值畚寇亂又苦瘡厲請
於朝徙縣治於雙溪改南勝爲南靖完城堡以
奠民居興學校以勵風俗政平訟簡民咸思之
明知縣

楊通綏寧人洪武二十七年任均平賦役振興學
校毀淫祠以創公廨不派取于民旣去民思之

林廷真象山人正統二年任忿怒不形權貴不避
嘗買學前地以開門路四年入覲過楊子江同
濟八十人皆沒惟廷真與從者三人得免

祀名宦

陳士名字孟聲無錫人正統末鄧寇爲亂邑里殘

破士名以貴州衛知事考績京師吏部以狀聞

命乘傳來任是時百姓流離士名多方招輯賑

濟不三四年官有解民有家學舍有絃始復厥

初秩滿致政民爲立碑大書曰陳公愛民父母

張本餘干舉人成化十三年任公勤廉恕愛民如

子初至捐葺縣堂幕庫上杭溪南寇至乃圍集
民快招募畚客以扼險隘賊不敢犯有碑記

吳賢馬平人舉人弘治三年任漳平賊溫文進亂
邑人震恐賢礪器練兵謹防守賊聞不敢入境
徐恂嘉定舉人正德三年任有學守除奸弊捐建
學校山寇起恂親部兵快齎糧以遏賊賊聞有
備不敢入勞動成疾而卒縣民惜之不已

傅鈺羅源舉人嘉靖四年任

明敏多善政里甲
之役十省六七

丁玘字中介丹陽人選貢嘉靖十四年任生平尚

節愛敦儉朴政暇詣學與諸生講論經籍剖析
疑義諄諄以德行為本又選民間子弟羣之小
延他郡名士爲師士翕然向風歲大飢請發粟
賑之又捐俸爲粥設法給散徧及山谷之民全
活者衆末年投牒歸老穉相率訴留不可得立
祠祀之子一敬知州一中泉州同知

郭大鯤字時化海陽人嘉靖辛丑進士二十一年
知邑事廉以律已明以察奸清糧賦之宿弊詰
吏胥之狡猾興學造士鋤暴抑強禁服毒而民

不輕生刑賭盜而民安本業上官嘉其能委督
八縣黃冊以勞成疾而卒邑人哀之祀名宦潮
人亦祀於鄉賢

殷伯固博羅人嘉靖三十八年知邑事愛民惜費
作興學校增置齋舍勸大戶出粟賑飢嚴禁圖
賴以安良善時饒賊張璉倡亂本縣永豐民相
煽而起聚衆八百餘人直逼縣城伯固單騎出
城諭以禍福衆悉散去三十九年十二月饒賊
突至率衆固守賊不得攻次日復來親督鄉兵

出戰斬首數級賊漸解散四十年六月以調去
任八月賊始陷城復改泉州教授

曾球海陽人舉人隆慶二年知邑事時當兵燹之
後撫疲民興學校葺城郭皆身蒞其役以白兌
之爲民害也首行清理之法邑西橋南有田數
千畝恆苦旱球爲鑿新渠通海子潭達銅山草
湖諸處民用灌溉遂爲沃土又嘗開濬城濠引
溪流而東之墨塲等二十四鄉俱沐餘潤呂司
成旻爲立碑紀績焉遷泉州通判靖民建祠祀

之孫用升進士御史

陳宗愈新會人萬曆己丑進士二十一年知邑事
廉明強幹始議復建舊縣令有田而富者各
占高下出貲遷邑中自愛而能頤指人者董其
役凡七閱月而城郭學校倉廩廨舍皆次第告
成且築高塔雙溪口以助形勢上不損公下不
勞民植弱鋤強公聽斷小過輒釋有訟田者雖
盛暑嚴寒必履畝躬視片言立折民欽之若烈
日愛之若甘雨陞南大理評事士民立專祠祀

之

論曰明太祖生長民間習諳利病天下既定施
德惠于民每選守令廣咨民瘼其時令長咸凜
凜焉降及中晚猶競能其官無敢以貪黷聞者
楊通張本丁玘仁足裕下徐恂郭大鯤威能討
暴陳士名殷伯固曾球勤于撫字保土寧邦咸
有名迹陳宗愈利用建國事業滿邑中功尤懋
哉

明典史

劉深洪武間典史練達有爲持守堅定撫字勤勞
民懷其德教諭桓士謙上其績陞宜縣知縣

明教諭

李孜保昌舉人景泰三年爲本學教諭資性剛直
文學優長生徒多所成就屢典文衡聲名籍甚
明倫堂傾圯謀諸耆民李元功等捐貲建之

陳徵字崇恩黃巖舉人弘治十八年爲本學教諭
輕財好義愛人喜施飭學政課諸生去之日戀
戀不能舍焉